

**Talamdan sa
mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 2

Moagi sa Kahikayan sa Pagkat-on kang Cristo maingon nga Naa ni Jesus ang Realidad aron Matuman ang Gitinguha sa Kasingkasing sa Dios aron Marealidad ang Lawas ni Cristo

Basahong Kasulatan: Efe. 4:20-24; Juan 7:37-39; Fil. 4:11-13; Mar. 6:45-51; Dan. 4:25-26; 7:25

I. Ang gitinguha sa kasingkasing sa Dios mao nga ang realidad sa Lawas ni Cristo, nga mao “ang realidad nga...naa Jesus” (Efe. 4:21), ang aktwal nga kahimtang sa Dios-tawong pagkinabuhi ni Jesus ingon sa nasulat sa upat ka Ebanghelyo, mahulad unta diha sa daghang bahin sa Lawas ni Cristo pinaagi sa Espiritu sa realidad aron mahimong realidad sa Lawas ni Cristo, ang kinahabogang punto sa pamatigayon sa Dios (vv. 20-24):

- A. Gipakita sa upat ka Ebanghelyo ang sumbanan sa kinabuhing gitinguha sa Dios, ang hulmahan sa kinabuhing makatagbaw sa Dios ug makatuman sa Iyang tuyoy; ang makat-on ni Cristo kana mang mahulma sa sumbanan ni Cristo, masama sa dagway ni Cristo—Rom. 8:28-29; Efe. 4:20-21.
- B. Magkinabuhi ngani ta diha sa nasagol nga espiritu (sa diosnong Espiritu nga nagpuyo sa atong espiritu, ug nasagol kining duha ka espiritu isip usa ka espiritu), nagkat-on ta ni Cristo segun sa realidad nga naa ni Jesus pinaagi sa Espiritu sa realidad (Juan 16:13; Rom. 8:16; 1 Cor. 6:17; Fil. 3:3); sa ingon niini mahimong kasaysayan nato ang Iyang biograpiya (Gal. 6:17-18; Efe. 4:20-24; Fil. 1:8; 2:5, 13).

II. Diha sa Espiritu sa gihimayang Jesus naa ang natranspormang pagkatawo ni Jesus; ang pag-inom ug pagpaagay sa usa ka Espiritu alang sa usa ka Lawas pag-inom ug pagpaagay man sa Espiritu sa tawo nga si Jesus, sa pagkatawo ni Jesus, lakip na sa gipadato-sa-pagkadios nga tawhanong maayong kagawian Niya nga pagkamapaubsanon, kalumo, ug pagkamainantson aron magpinas-anay sa usag usa diha sa gugma—Juan 7:37-39; 1 Cor. 12:13; Buh. 16:7; Efe. 4:2-3; 1 Tes. 1:5:

- A. Aron makakinabuhi sa realidad sa Lawas ni Cristo diha sa iglesiahanong kinabuhi, mosinati gyod ta ni Cristo diha sa pagkatawo Niya ingon nga atong pagkamapaubsanon ug kalumo; ang pagpaubos pagpabilin man sa ubos nga pagkabutang, ug ang kalumo kana mang dili makig-away alang sa kaugalingon—Efe. 4:2; Fil. 2:5-8; Mat. 11:29; 5:40; Mar. 10:45; Juan 13:12-17.
- B. Aron makakinabuhi sa realidad sa Lawas ni Cristo diha sa iglesiahanong kinabuhi, mosinati gyod ta ni Cristo diha sa pagkatawo Niya ingon nga atong pagkamainantson uban sa kalipay; ang pagkamainantson mao ang pag-antos sa pagdagmal tungod ug alang sa Lawas—Col. 1:11, 24.
- C. Aron makakinabuhi sa realidad sa Lawas ni Cristo diha sa iglesiahanong kinabuhi, mosinati gyod ta ni Cristo diha sa pagkatawo Niya aron magpinas-anay ta diha sa gugma; bisan dunay mga panahon nga nakasamok ta pag-ayo sa Ginoo, kanunay gyod tang gipasan Niya; diha sa iglesiahanong kinabuhi dili gyod nato talikdan ang mga samokan kondili

pas-anon hinuon sila diha sa gugma nga maoy pagpadayag sa pagpahimulos nato ni Cristo nga kinabuhi—Efe. 4:2, 31-32; Rom. 2:3-4; 1 Tes. 5:12-18; itandi sa Sal. 73:21-26.

- D. Kon motawag ta sa ngalan sa Ginoo ug mokaon Niya, mapahimuslan nato si Jesus ingon nga tawo, ug ang tanang maayong kagawian sa gipausbaw nga pagkatawo Niya maatoa diha sa Espiritu ni Jesus aron mabatasan nato ang napahiuling iglesiahang kinabuhi diha sa Espiritu sa realidad nga maoy realidad sa Lawas ni Cristo—1 Cor. 1:2; 10:3-4, 17; 12:3b, 13; Juan 16:13; Efe. 4:3-4a.
- E. Mogugol gyod tang tanan og igong personal nga panahon uban sa Ginoo aron pribadong makig-ambitay Niya diha sa atong espiritu aron mapuno ta sa gihimayang pagkatawo Niya nga makapaatiman Niya sa uban pinaagi nato ug makasidlak pinaagi nato aron makita Siya sa uban diha nato—Juan 4:24; Luc. 15:20; Mat. 5:15-16.

III. Kinahanglan makat-on ta sa paghimo kang Cristo ingon nga atong sekreto sa pagkakontento ug atong pagkinabuhi ug nagpuyo-sa-sulod nga sumbanan, magpahimulos Niya isip dili matugkad nga dagayang Espiritu sa realidad, nga mao ang realidad sa Lawas ni Cristo—Fil. 4:11-13; 1:19:

- A. Nianhi si Ginoong Jesus aron silbihan ta Niya sa Iyang Kaugalingon ingon nga kinabuhi; gisilbihan ta Niya kaniadto, gisilbihan ta karon, ug silbihan ta sa umalabot—Mar. 10:45; Luc. 22:26-27; Mar. 6:45-51; Juan 10:10; 6:48; 8:12; 13:4-8; 18:7-9; Luc. 12:37.
- B. Ang pagpangalagad sa Ginoo pagsilbi man kanato karon sa Iyang Kaugalingon nga mao ra ang kinabuhing makapahimuot sa Dios, ang kinabuhing pagsubli sa kinabuhing gikinabuhi ni Cristo dinhi sa yuta—Juan 1:4; 14:6a; 10:10; 1 Cor. 15:45b; Mat. 11:29a; 17:5b; 1 Ped. 2:21.
- C. Aron makat-on ni Cristo maingon nga naa ni Jesus ang realidad, kinahanglan makaamgo ta nga naa ra tay karong adlaw; wala tay ugma; ang pagpahulay diha sa Ginoo karong adlaw ug pagtugyan sa ugma Kaniya pagpatumong man sa atong salabotan sa espiritu (Rom. 8:6); ang atong pneumaticong Cristo mao ang “Ako Mao,” ang Cristo “karon,” ang Cristo “karong adlaw,” ang presensya sa Dios karon, nga motagbo sa panginahanglan nato karon (Heb. 3:7, 13, 15; Juan 8:58; Exo. 33:11, 14).
- D. Ingon nga mga bahin sa Lawas, mangamuyo gyod ta sa Ginoo nga kaluy-an ta Niya diha sa Lawas, pinaagi sa Lawas, alang sa Lawas, ug pinaagi sa sangkap sa Lawas aron masama ta sa nagpahimulos-sa-pagkabanhaw nga si Lazaro, nga nahimong hilom nga panghimatuod sa gahom sa Ginoo, pamatuod sa gugma sa Ginoo, ug pagpadayag sa grasya sa Ginoo—Gen. 2:22; Rom. 9:16; Juan 12:1-3, 9-11; itandi sa Eccl. 9:4:
 - 1. Patay na tingali ta, nanimaho, bugnaw, ug nahilayo sa Ginoo, apan nia pa gihapon ta; samtang naglingkod ta dinhi, bisan wala tingali tay gibuhay o gisulti ba, mga pahinumdom ug buhing panghimatuod ta nga gibanhaw na ta sa Ginoo; pinaagi niini lang, mahimaya na ang Dios—Juan 11:38-45; 12:9-11.
 - 2. Nagpasabot ang pagkabanhaw nga wala tay mahimo sa atong kaugalingon kondili makahimo lang ta niini diha sa Dios ug pinaagi sa Dios; nagpasabot kini nga “ang mga butang nga dili mahimo sa mga tawo mahimo sa Dios”—Luc. 18:27; Num. 16:3, 7-11, 36-38; 17:1-8; Rom. 12:4.

IV. Sa naa ta sa kahikayan sa pagkat-on kang Cristo maingon nga naa ni Jesus ang realidad, tinguhaon gyod nato ang panaw, ang dalan, nga gitudlo sa Ginoo alang nato segun sa hingpit nga kabubut-on Niya ug humanon ang atong panaw sa pagkinabuhi sa langitnong kinabuhi dinhi sa yuta aron marealidad ang Lawas ni Cristo—Mar. 6:45-51; Buh. 13:25, 36; 20:24; 2 Tim. 4:7-8; Buh. 26:16:

- A. Sukad sa pagkayab ni Cristo hangtod sa pagbalik Niya, naa sa taas nga gabii ang kalibotan; “lalom na kaayo ang gabii” (Rom. 13:12), “naa sa tungatunga sa dagat” ang atong

sakayan, ug wala pa ta makaabot sa tumong sa atong panaw (Mar. 6:45-48; Juan 6:21; itandi sa 2 Tes. 2:2; 2 Tim. 3:1-13).

- B. Kinahanglan makaamgo ta nga ang panaw sa matinumanong mga magtutuo panaw nga “nisungsong” nila ang hangin, ug “naglisod” sila sa ilang “pagbugsay”; pasakyon gyod nato ang Ginoo sa atong “sakayan” (sa atong kaminyoon, pamilya, negosyo, ubp.) ug pahimuslan ang kalinaw uban Niya sa panaw sa tawhanong kinabuhi—Mar. 6:47-51; Juan 6:21.
- C. Sa dili pa moanhi ang Ginoo, duna unyay pagpalayo o pagsibog (2 Tes. 2:3) ug kuyaw nga mga panahon, ug “mosamot pa gyod pagkadaotan ang mga tawong daotan ug mga limbongan, manglimbong ug malimbongan” (2 Tim. 3:1-13); kay dili man modawat ang mga tawo sa paghigugma sa kamatuoran, “gipadala sa Dios kanila ang lihok sa kasaypanan aron manuo sila sa bakak” (2 Tes. 2:11-12; Isa. 5:20).

V. Ning mga adlaw, sa dili pa ang pagbanagbanag sa pag-anhi sa Ginoo (2 Ped. 1:19), mobarog gyod ta batok sa nagpaluyang mga taktika ni Satanas (Dan. 7:25), magpagahom diha sa grasya nga naa ni Cristo Jesus (2 Tim. 2:1), ug makaluy-an sa Ginoo aron magmatinumanon (1 Cor. 7:25b) aron makapanaw sa panaw nga gitudlo Niya kanato tungod ug alang sa pagtukod sa Iyang Lawas, sa pag-andam sa Iyang pangasaw-onon, aron mapabalik Siya (Mat. 16:18; Gen. 2:22; Bug. 19:7):

- A. Kanunay gyong atakihon ni Satanas ang mga anak sa Dios; dili kalit ang mga pag-ataki niya; sagad nga inanay kining moabot; mao nga niingon ang Biblia nga “mabugnaw” ang gugma sa daghan (Mat. 24:12); inanay, balikbalik, kanunay, ug adlaw-adlaw nga paluyahon ni Satanas ang mga anak sa Dios (Efe. 6:13):
 - 1. Paluyahon ni Satanas ang lawas sa mga anak sa Dios; kuhaan niya ang mga tawo og gamayng pagkaon karon adlaw ug gamayng katulog ugma; pakapoyon niya silag gamay karong adlaw ug gamay na pod ugma; ang nagkadako nga epekto ning kakapoy sa kaulahian hingpit gyong makadaot sa ilang panglawas; kon tubson nato ang panahon, ang labing mabungahong panahon sa atong kinabuhi alang sa espirituhanong pagkamapuslanon nato sa pag-alagad nato sa Dios naa gyod sa mga panuigon nga 70 ngadto sa 80 anyos o bisan ngani 90 anyos; makaamgo unta ang mga sulugoon sa Ginoo nga una gyod ang kahimsog; ikaduha na ang buhat—itandi sa Deut. 34:7.
 - 2. Paluyahon ni Satanas ang atong kasingkasing; sa pagtuo nato sa Ginoo ug nisulod sa iglesiahanong kinabuhi, malipayon, masadyaon, ug malinawon ta; apan kon dili ta magbantay ug wala masayod sa buhat ni Satanas, kalit lang nga masamok ta sa unang adlaw, dili malipayon sa ikaduhang adlaw, ug maguol sa ikatulong adlaw; hinayhinay tang ma-backslide ug sa kaulahian kapoyon ug maluya; imbis ingon niini, makat-on gyod unta ta nga magmintinar sa atong kalipay—Prov. 4:18-23; Rom. 14:17; Jer. 15:16.
 - 3. Paluyahon ni Satanas ang atong espiritu; hinayhinay niyang kuhaon ang atong pagampo ug ang atong pagsalig sa Dios; labi ta niyang pasaligon sa atong kaugalingon, sa atong gasa, ug sa atong natural nga kahimoan, imbis nga mahimong maghihigugma ni Cristo, nga nagpauraray sa iyang Hinigugma, bug-os nga nisalig Niya sa tanang butang ug alang sa tanang butang—A. S. 8:5a; 2 Cor. 1:8-9.
 - 4. Ut-oton ni Satanas ang atong panahon; mga tawo gyod unta nga “magbawi sa panahon, kay daotan ang mga adlaw” (Efe. 5:15-16); daotan ang matag adlaw ug puno sa makadaot nga mga butang, nga makaingon nga mawalay-pulos, mokunhod, ug mailog ang atong panahon; mangamuyo gyod ta sa Ginoo nga tudloan ta sa pag-ihap sa atong mga adlaw (Sal. 90:12) ug ipahiuli kanato ang mga tuig nga gikaon sa dulon (Joel 2:25).
 - 5. Paluyahon ni Satanas ang atong paghalad; Nasareo si Samson, ug ang tinubdan sa iyang kusog, nga gitiman-an sa iyang taas nga buhok, mao ang paghalad niya sa Dios; gigamit ni Satanas si Delila, nga adlaw-adlawng namugos ni Samson pinaagi sa iyang

- mga pulong; sa kaulahian gikapoy pag-ayo ang iyang kalag, ug gisultian niya siya sa tanang naa sa iyang kasingkasing, nitug-an sa tinubdan sa iyang kusog; sa ingon niana, nawad-an siya sa iyang paghalad, sa iyang kusog, sa panghimatuod niya sa pagbalaan, ug sa presensya sa Dios—Num. 6:2, 5; Huk. 16:6-21; itandi sa Lev. 6:12-13; 8:22.
- B. Samtang naa ta sa kahikayan sa pagkat-on kang Cristo maingon nga naa ni Jesus ang realidad, maluya tingali kaayo ta sama ni Isaias sa pagkakita niya sa pagkadunot diha sa katawhan sa Dios ug sa nagkasamot nga kangitngit diha sa katawhan sa yuta—Isa. 5:20; 6:1-8:
1. Ang nagpakita ni Isaias mao si Cristo nga Ginoo, ang Hari, si Jehova sa mga panon (v. 5; Juan 12:41 ug nota); mausab ug mabalhinbalhin ang tanang butang dinhi sa yuta, apan naa pa gihapon si Cristo nga Ginoo sa trono sa Iyang himaya; busa, dili gyod ta motan-aw sa sitwasyon sa yuta kondili mohangad hinuon ta ni Cristo nga naa sa trono (Heb. 12:2; Col. 3:1-2).
 2. Diha sa pagbuot sa mga langit sa Dios sa mga langit, nagdumala Siya sa uniberso (Dan. 4:25-26), lakip na sa tanang hari ug gingharian sa yuta (Bug. 19:16), aron matuman ang Iyang tuyo, nga mao kanang mag-una si Cristo sa tanang butang (Col. 1:18); diha sa pagbuot sa mga langit, nagbuhat ang tanang butang alang sa ikaayo sa mga pinili sa Dios sa tuyo nga mag-una si Cristo sa tanan aron masama sila sa Iyang dagway (Rom. 8:28-29).